

Headline	Baiti Jannati bantu 60 asnaf miliki rumah sendiri		
MediaTitle	Utusan Malaysia		
Date	12 Jul 2019	Language	Malay
Circulation	107,609	Readership	322,827
Section	Dlm Negeri	Page No	46
ArticleSize	262 cm <sup>2</sup>	Journalist	N/A
PR Value	RM 15,678		



**SEBAHAGIAN** penerima rumah Baiti Jannati berkongsi kegembiraan pada Majlis Penyerahan Rumah Baiti Jannati peringkat Wilayah Persekutuan Kuala Lumpur di Kompleks Sukan Pantai EcoPark, Pantai Dalam, Kuala Lumpur, kelmarin. - UTUSAN/AMIR KHALID

## Baiti Jannati bantu 60 asnaf miliki rumah sendiri

**KUALA LUMPUR 11 Julai** - Hasrat dan impian seramai 60 asnaf dari sekitar ibu kota untuk memiliki rumah sendiri menjadi kenyataan apabila menerima bantuan kediaman di bawah program Baiti Jannati anjuran Tenaga Nasional Berhad (TNB).

Menteri Wilayah Persekutuan, Khalid Abdul Samad berkata, melalui program itu, mereka menerima hak milik rumah dengan nilai keseluruhan berjumlah RM3.1 juta menggunakan peruntukan agihan semula wang zakat perniagaan TNB.

"Hak milik rumah di bawah program ini akan dipindahkan kepada penerima yang terpilih dalam kalangan penyewa Projek Perumahan Rakyat (PPR) atau Perumahan Awam (PA) Dewan Bandaraya Kuala Lumpur.

"Ia diberikan tanpa sebarang bayaran dengan syarat unit berkenaan tidak boleh dijual kepada pihak ketiga tetapi boleh diwariskan kepada anak atau waris terdekat," katanya ketika berucap dalam Majlis Pe-

nyerahan Baiti Jannati @ Wilayah Persekutuan di Kompleks Sukan Pantai EcoPark, di sini.

Yang hadir sama, Ketua Pegawai TNB, Datuk Wira Roslan Ab. Rahman dan Ahli Parlimen Lembah Pantai, Ahmad Fahmi Mohamed Fadzil.

Menurut Khalid, sehingga kini, seramai 109 keluarga menerima manfaat di bawah program Baiti Jannati peringkat Wilayah Persekutuan dengan nilai lebih RM5.02 juta yang bermula sejak 2014.

Sementara itu, Wira Roslan berkata, program itu memberi fokus kepada kerja-kerja membaik pulih atau membina serta membiayai pembelian rumah-rumah golongan miskin dan asnaf meliputi ibu tunggal, warga emas dan penduduk miskin bandar dan luar bandar.

"Sejak diperkenalkan pada 2007, sebanyak 703 buah rumah sudah dibaik pulih, dibina baharu atau dibiayai pembeliannya di seluruh Semenanjung melibatkan peruntukan lebih RM30.46 juta," katanya.